

lacte materno pessum data fuerit: an verò  
& forma hujus mixti de subjecto suo in ali-  
ud, & ex hoc rursus in aliud, translata, &  
multas mutationes passa, salva & integra  
permanerit, atque ita ex corpore humores  
pravos excluderit? Fortè hinc fit: quòd  
quidam Misochymicorum à caseo & buty-  
ro abhorrent: non naturali quadam ἀντι-  
παθεία, sed quòd ob concentum lactis de-  
structum, formam ejus & temperiem aboli-  
tam verentur, hæcquæ propterea alendo cor-  
pori esse inidonea arbitrantur.

*Chymica  
remedia  
non sunt  
emortua  
cadavera.*

Deinde cum chymica remedia mortua  
cadavera nuncupant: humidoquæ primoge-  
nio spoliata esse contendunt: partim sibi ipsis  
contraria; partim veritati non consentanea  
loquuntur. Si enim sceleta sunt: cur alibi ea  
potentiùs agere, quàm humanæ temperiei  
mediocritas permittat, asserunt? Deinde  
nonne necesse est: ut tam animalia, quàm  
vegetabilia, vitâ illâ, quâ sibi vivunt, hoc est,  
nutriantur, crescunt, & auferunt, priven-  
tur: quòd esui & usui hominibus esse possint?  
Nec enim ipsi Scythæ tam barbari sunt: ut  
licet carnibus vel crudis, vel, cursu equorum  
concitatiore, sub ephippiis fervefactis ven-  
scantur: vivas feras in os ingerere & degluti-  
re velint. Ita etiam plantas, stirpes & frutices,

ut in